

五言律

七言律

林南池集
二冊



林太史集卷四

莆田林兆鯤南池著

男泰校刊

五言律詩

讀史偶咏五首

禰衡

宇宙寬如許。難容七尺身。蛾眉宜見嫉。龍性豈能馴。小技
亦為戲。長狂語益真。平生一知己。北海外無人。

孔融

愛客樽常滿。求賢眼獨明。虎賁思去後。鶚薦悉生平。義概秋霜比。讒言貝錦成。可憐小兒女。巢覆卵俱傾。

陶潛

晉代陶彭澤。風堪百世師。無錢偏嗜酒。得意便吟詩。高舉尋吾契。終身與世辭。
陶二句集蕭然三徑裡松菊有餘姿

謝安

出處原無定。諸君底用疑。從容存晉祚。指畫奠邊陲。適性千山屐。論功一局棋。風流那可繼。擁鼻亦堪師。

李白

素志輕軒冕。明珠肯暗投。才高知是累。寃雪已無求。愛國
懲魚鼠。微詞託如牛。如何千載後。獨識杜陵愁。

途中七夕

今宵天氣好。樽酒與誰酬。早月來梧影。微風動蕙幃。他鄉
瓜果節。獨客鬢毛秋。已識安禪味。無勞看女牛。

遊靈巖

停橈秋色裡。探勝入靈巖。徑覓西施跡。龕堆貝葉函。樓臺

闕簫管風日自松杉未盡登臨興前山夕照街

過露筋祠

欲覓貞孃蹟君其問水濱小姑原獨處明月是前身
颯颯靈旗捲陰陰古樹春歸舟如有失未及薦溪蘋

重陽送家鴻章宰黔陽二首

日下盤桓久清談見雅操簡書辭鳳闕學道試牛刀晝

靜琴聲古庭閒柏影高吾宗盛名宦多半出寒袍

禹甸荊州地龍標識古城蠻風今草薄文教待儲英金綻

離筵菊紅垂載道橙登高兼送遠無限此時情

家唐卿寄詩文求政且述近况作此答之二首

尺素雲中至開緘近况陳困心知玉汝守口戒金人但使
奚囊滿何妨土銼塵早涼應健在燈火好相親
若問羈遊客悠悠祇此心淵明才止酒安道已燒琴談侶
書中覓歸途枕上尋多愁原帶骨不是爲秋陰

五老凌霄鷺江八景之一

結伴滄江上何須五嶽圖論年忘甲子閱世幾榮枯往事

斜陽外殘碑古寺隅山靈都不管怕易白頭顱

鷺江寄張士翼

本爲飢驅去誰知去更飢人情總如此吾道欲何之骨相
冬烘舊肝腸夜雨知敝廬底輕棄一笑付愚癡

懷亡友張彥臣

四海習鑿齒千年丁令威一坏猶未卜魂魄欲何依眷屬
歸於幻文章識者稀人生誰不死爲爾淚沾衣

遣悶三首

長安樽俎地。勝友日相於。劇辯臧三耳。竒搜鬼一車。燭花
光歷亂。蔗舞氣粗疎。往事看泥爪。回頭六載餘。
今我忽不樂。幽居離恨多。王劉已徂謝。李孰經過。閉置
車中婦。昏沉卷裡魔。秋天滿鴻雁。無信到煙蘿。
種種看余髮。清樽肯放遲。只憂兒輩覺。無恩乃公爲。三弄
聽桓笛。一鞭向習池。古人俱作達。底事自拘縻。

題唐卿石室讀書處

石徑披雲入。禪房借榻登。檢書頻使鶴。掃葉不煩僧。飯豈

蒸砂得醫偏折臂能相期最上地學業勉加增

題曾敬五明府小照二首

髣髴家山路穿花信馬蹄後生防跨竈到處足留題宦况
三湘水歸心五夜鷄知君時陟岵子舍白雲低

昔年燕市上折簡日招呼棗樹花誰看棋盤局已殊君才
非百里我賦愧三都共發尊鱸興而今信不孤

送吳萬清歸榕城

屢受塵寰謨栖栖寄此身故園餘舊業白髮有嚴親村酒

催歸思江風冷客巾知君遊已倦且共賞花晨

冬日書懷二首

歲月行飄忽吾生也有涯自傷聞道晚百藝乏專家懶與
閒相稱貧因病更加不才成底用搔首夕陽斜

我敢輕餘子君當恕醉人袖中無半刺牀上有凝塵道侶
梅花社生涯竹葉春未工諧世術且自葆吾真

題曾志山友蘭居倡和集即用其韻

臭味芝蘭合知君稱厥居永懷君子德長伴古人書得趣

花能語。聯篇錦不如。寄言風雅客。好續楚騷餘。

招友開三徑。怡情一畝居。癸亭爭弄翰。外酒為澆書。曉露花香處。清風句穆如。應知函丈裡。吟咏樂三餘。

入室蘭馨遍。才人合並居。琴調落雁譜。字學換鶯書。愛酒陶元亮。清言阮德如。名流紛几席。來往自紆餘。

我也真堪厭。年來嘆索居。延齡頻檢藥。引睡一攤書。倦鳥差相似。閒雲祇覺如。因君發狂興。慙愧續貂餘。

林太史集卷五

莆田林兆鯤南池著

男泰校刊

七言律詩

春日閒居

春城飛絮亂郊坰，懶逐東風戶自扃。
涉世久安心匪石，多言新戒口如瓶。
苔生古壁依依綠，山入乾樽滴滴青。
小徑垂簾人不到，一爐香篆校黃庭。

落花用沈石田先生韻八首

零落春光訝欲秋。紅稀綠暗不勝愁。身偕柳絮泥同委。命
薄蟬紗雨未休。瑤圃有天堪證果。朱欄無地可埋憂。繁華
舊事空回首。日暮鴉歸自倚樓。

粧成何事善愁看。忍見樽前泣別時。弱質今從流水逝。長
安誰作看花詩。鴛鴦浦冷迷新草。燕子樓空習舊絲。頓盡
風流春去也。鳥啣殘粉上疎枝。

沼萍林筍互鮮新。評泊紅芳嘆迹陳。一縷魂消青草地。幾
番夢戀綠窓人。癡心枉結來生願。捷足難追已去春。未穩

相逢更相送。問天應不惹。天嗔

圓生芳樹認前因。竺國移來分外新。乍喜佳名爲稱意。旋
驚薄命不長春。維摩室內飄紅雨。忉利天中颺劫塵。寄語
靈兒如未滅。也須憐爾意中人。

入簾青暎舊苔痕。訪紫尋紅幾處存。面已非花謝樹梅。
妻既杳。鶴當軒。色空縱悟無生旨。珍惜難辜往日恩。暝見
無由今已矣。消磨未盡是精魂。

別予何事太匆匆。美景良辰一切空。蝶侶夢閒虛夜月。牛

酥煎罷恨晨風似鋪柳徑羶同白便逐桃花水泛紅樂府
誰歌陌上曲相逢總在睡鄉中

笑日烘霞頃刻中花姑無力鬪罡風蝦鬚捲處殘香暗羯
鼓催來落片紅飽看不辭寧有妬醉吟常伴已成空早知
十八封姨惡也繪星旂挿苑東

紗窓人靜重興嗟不見當年萼綠華一紙今留十客畫滿
蹊前認四娘家徑中拾片香猶在壁上招魂字半斜牙板
象筌俱寂寞蒿萊鼓吹聽羣蛙

過仙霞嶺

路入仙霞曲幾迴扶筇信步自徘徊鳥飛嶂外悠悠遠春
到梅邊得得來瓦屋雪消晴作雨松林風過靜聞雷岩前
多少車驅客誰識山僧夢未回

嘉禾元日四首

鳳紀初開第一朝紫雲繚繞碧天遙年豐喜道迎三白晝
靜閒聽撥六么入座羣斟隔歲酒登盤仍頌故園椒太平
食報知無盡飽看江城春色饒

領得東風到客扉。萍踪隨地漫相依。奚囊檢就詩成帙。羅
帕分來橘作圍。今雨逢迎半舊雨。征衣補綴即春衣。長安
此去無多路。又整行裝上帝畿。

旅館休教嘆寂寥。慙慙地主共招邀。鴛鴦湖畔春先到。煙
雨樓頭雪未消。芳草色催遊子騎。清歌聲沸浙江潮。濡毫
擬作昇平頌。擊壤無因達帝堯。

酒罷微吟浙水濱。嘉禾天氣早氤氳。鷓鴣漫喜栖枝便。鴻
鵠寧辭奮翼勤。萬里行程惟向印。一春心事總如雲。應知